

PRAELECTIONES
PUBLICAS ET PRIVATAS
HIBERNIS MENSIBVS SVSCIPIENDAS

RECTOR
ACADEMIAE GISSENAE

IO. HERM. BENNER

SS. THEOL. D. ET P. O.

TOTVSQVE
SENATVS ACADEMICVS

INDICIT

ET AD EAS DILIGENTER AVDIENDAS
CIVES ACADEMIAE
GENEROS. ET NOBILISS.

PERAMANTER INVITAT

D. IX. SEPT. CIO. MDCC. LIV.

SVB SIGILLO ACADEMIAE MAIORI



G I S S A E,
EX OFFICINA BRAVNIANA.



In Facultate Theologica.

D. REINH. HENR. ROLLIUS,

Fac. Theol. Senior.

Cum magni FECHTII *Instructio*ne pastorali, publicis lectionibus hactenus tradita, *historiam Ecclesiae novissimam*, a pace Westfalica ad nostra usque tempora, conjungere constituerat. Sed cum *historia dogmatum* plerisque auditoribus magis arrideret, hanc superiore semestri, cum laudata *Instructio*ne, alternis vicibus propinare coepit. In utraque ergo hoc ipso, quod nunc ingredimur, semestri hora IX. perget, & quoad priorem quidem reliquas, quae supersunt, materias gravissimas, de officio catechetico, administratione sacramentorum, audiendis confessionibus, aliisque, enodabit, variisque observationibus ex *historia Ecclesiae* recentiori illustrabit: in posteriori vero nihil praetermittet, quod ad lucem sanctiori doctrinae affundendam facere posse videbitur. *Privatim* hora II. ipsam *Theologiam dogmaticam*, duce BAIERO, de novo auspicabitur, dictaque, ut firmiter animo inhaereant, examinando repetet. Porro separatis quibusdam horis *exercitium disputatorium*, in Syllogem controversiarum Fechtianam, una cum annotationibus, aliquoties privatim traditis, denuo imprimendam, continuabit, nihil magis, ad confirmandam doctrinam puriorem, conducere persuasus.

4



D. IO. HERMAN. BENNER,

h. a. Decanus.

Publicis laboribus denuo disputandi exercitium, siue in aede academica, siue intra priuatos parietes, destinauit. Theses faciliores seliget, ne quis difficultatem caussetur. *Priuatim*, quae restant in *theologia morali*, absoluet; *dogmaticam* nuper finitam, intra anni spatium, pro more, rursus exponet.

IOH. GODEFR. ZENTGRAY,

SS. Theol. Prof. publ. extraord.

Lectiones in Historiam Ecclesiasticam Noui Testamenti, duce SCHVRZFLEISCHIO, vt & Exegeticas, in Epistolam D. Petri priorem, denuo instituet.

In Facultate Iuridica.

D. FRANCISCVS IVSTVS KORTHOLT.

Publice *ius publicum* duce SCHMAVSSIO explicare perget, eoque finito in *iure feudali* compendium MASCOVIANVM legendum resumet. *Priuatim* BOEHMERI *introductionem in ius digestorum* ad finem perduceret.

D.



D. GOTTLOB AVGVSTVS
IENICHEN.

Non solum COLLEGIVM INSTITVTIONALE nuper
coeptum continuabit, uerum etiam nouas in IO. GOTT-
LIEB HEINECCII *Elementa Institutionum* hoc anno abs se
emendatissime edita recitationes auspicabitur, & ante ferias
Paschales ad finem perducet. Praeterea IVS CANONICVM
AD FORA PROTESTANTIVM APPLICATVM vna
cum PROCESSV CONSISTORIALI ad ductum *Institutio-
num iurisprudentiae ecclesiasticae* a Cons. ACHATIO LVDO-
VICO SCHMIDIO *Jenae* hoc anno euulgatarum tradet, &
in ill. uiri IO. IAC. MASCOVII *Ius feudale* commentabitur.

D. IO. ERNEST. HOEPFNER.

Quae in Collegiis Institutionali & Pandectarum, graui ocu-
lorum morbo impeditus, absolueri non potuit, strenue
ad Colophonem perducere allaborabit. Collegium quoque
Relatorio-Practicum sedulo continuabit & publice BOEH-
MERI Institutiones Iuris Canonici explicabit.

D. CHRISTOPH. LVDOVIC.
KOCH.

Praelectiones in B. HEINECCII *Elementa iuris privati se-
cundum ordinem Institutionum Imp.*; vel B. BOEHMERI
introductionem in ius digestorum pro arbitrio Dnn. Commilito-
num instituet.



In Facultate Medica.

**D. GERARDVS ANDREAS
MÜLLER.**

Instante semestri bono cum Deo Physiologiam specialem, corporis scilicet humani, explicabit, causas morborum, simulque etiam vires sanitatis conseruatrices breuibus exponet, tentamina pharmaceutico-chemica, potissima saltem, instituet, neque etiam in aliis rebus votis carissimorum deerit commilitonum.

D. IOH. CAROL. VOIGT,

Anatomiae, chirurgiae & botanices P.P.O.

Publice chirurgiae praecepta praesente celeberr. PLÄTNERO tradet. Priuatim osteologiam nuper coeptam absoluet, qua finita Splanchnologiam reliquasque anatomiae partes docebit. Physiologiam insuper explanabit, dataque occasione publicas anatomicas dissectiones & demonstrationes instituet, nec in aliis medicinae partibus operam suam denegabit.



In Facultate Philosophica.

IO. LUDOVICVS ALEFELD,

Philos. naturalis Prof. ord. & stipend. Ephorus.

Alteram *Philosophiae naturalis* partem horis publicis eadem, qua priorem pertractavit, methodo tradet, *disputationes priuatas* singulis Saturni diebus continuabit, & si quid praeterea a se requiri intellexerit, officio suo nunquam non pro viribus satisfacere studebit.

ERNESTVS THOM,

Prof. mor. atque iur. nat.

Ius naturae B. de Wolff tradere, eiusdemque ius gentium separatim exponere, atque ethicam explanare instituet.

ANDREAS BOEHM,

Log. Metaph. & Math. P. O.

Logicam hora IV. vespertina, *metaphysicam* hora V, *trigonometriam* & *quasdam matheos applicatae* partes hora auditoribus commoda interpretabitur. *Lectioes priuatissimas* partim inchoatas nuper, partim inchoandas propediem curae sibi habebit, nec, si praeterea commilitonibus prodesse aliis modis se posse intellexerit, desiderio ipsorum deesse sibi licere censebit.

D.



D. CHRISTOPH. LYDOVIC. KOCH.

Historiam Imperii Regnique Germanici aevi recentioris tradet.
Praeterea introductionem in *historiam singularem tabularum pacis Regnorum Europ.* cultoribus offert.

PHIL. NIC. WOLF,

Prof. LL. OO. ord.

Publice Iesaiam rogatus interpretabitur; *priuatum* linguas
Ebraeam & Graecam docebit, nec illis, qui Chaldaicam
ac Syriacam, doctrinamque accentuatoriam amabunt, suam
denegabit operam.

IOH. GODEFR. ZENTGRAV,

Eloquent. & Poëseos Prof. publ. ord.

Publice HEINECCII Fundamenta stili cultioris, *priuatum*
Ouidii Libros Metamorphoseon explicabit.

Praeterea generosis ac nobilissimis academiae ciuibus praefso
sunt magistri peritissimi, publice constituti, qui *artem*
tem. equitandi, gladio pugnandi & saltandi, itemque
linguam Gallicam, atque Italicam
tradunt.